



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 56. Zakona o eksproprijaciji („Službene novine Federacije BiH“, broj: 70/7, 36/10, 25/12 i 34/16) i člana 19. tačka 2. Statuta Općine Breza - Prečišćen tekst („Službeni glasnik Općine Breza“, broj: 8/09), Općinsko vijeće Breza, na sjednici održanoj dana 27.05.2020.godine, donosi

O D L U K U
o visini naknade za uspostavljanje prava služnosti
na zemljištu u vlasništvu Općine Breza i javnim dobrima kojim
upravlja i raspolaže Općina Breza

Član 1.

Određuje se visina naknade za uspostavljanje prava služnosti na zemljištu u vlasništvu Općine Breza i javnim dobrima kojim upravlja i raspolaže Općina Breza, a istu je dužan platiti podnosilac zahtjeva kao korisnik povlasnog dobra za uspostavljanje prava služnosti, kako sljede:

1. Nadzemna instalacija/infrastruktura:

a) Visina naknade za uspostavljanje prava služnosti za stubna mjesta po 1 m² iznosi 50,00 KM, s tim da se pravo služnosti može uspostaviti na minimalnoj površini 1 m².

b) Visina naknade za uspostavljanje prava služnosti na površinama zemljišta potrebnim za zaštitni pojas nadzemnih instalacija/infrastrukture po 1 m² iznosi 1,00 KM, a minimalna širina zaštitnog pojasa je 1 m.

2. Podzemna instalacija/infrastruktura:

a) Visina naknade za uspostavljanje prava služnosti za polaganje podzemnih instalacija/infrastrukture i to:

Za telekomunikacijsku i niskonaponsku mrežu:

1. na dužini trase do 200 m u iznosu 3,00 KM po 1 m dužnom,
2. na dužini trase od 200 do 1000 m u iznosu od 2,00 KM po 1 m dužnom,
3. na dužini trase preko 1000 m u iznosu od 1,00 KM po 1 m dužnom

Za visokonaponsku mrežu:

1. na dužini trase do 200 m u iznosu od 5,00 KM po 1 m dužnom,
2. na dužini trase od 200 do 1000 m u iznosu od 3,00 KM po 1 m dužnom,
3. na dužini trase preko 1000 m u iznosu od 1,50 KM po 1 m dužnom.

b) Vodovodna infrastruktura

Visina naknade za uspostavljanje prava služnosti za polaganje podzemnih instalacija/infrastrukture vodovodne mreže i to:

- za cijevi od \varnothing 20 mm do \varnothing 50 mm po 1 m dužnom iznosi 1,00 KM,
- za cijevi preko 50 mm po 1 m dužnom iznosi 3,00 KM
- za šahtove za ugradnju vodomjera na površini 1 m² iznosi 50,00 KM, a minimalno obračunska površina je 1 m².

c) Kanalizaciona infrastruktura

Visina naknade za uspostavljanje prava služnosti za polaganje podzemnih instalacija/infrastrukture kanalizacione mreže i to:

- za cijevi od \varnothing 110 mm do \varnothing 160 mm po 1 m dužnom iznosi 3,00 KM
- za cijevi preko \varnothing 160 mm po 1 m dužnom iznosi 5,00 KM
- za šahtove i reviziona ikna na površini 1 m² iznosi 50,00 KM, a minimalno obračunska površina je 1 m².

Član 2.

Dužina trase određuje se na osnovu projektno-tehničke dokumentacije.

Član 3.

Kod rekonstrukcije nadzemne i podzemne instalacije/infrastrukture podnosilac zahtjeva kao korisnik povlasnog dobra plaća naknadu u skladu sa članom 1. ove Odluke ukoliko se u postupku utvrdi da za uspostavljanje prava služnosti nije u ranijem postupku ista utvrđena i izmirena.

Član 4.

Za donošenje rješenja o uspostavljanju prava služnosti na zemljištu u vlasništvu Općine Breza i javniom dobrima kojim upravlja i raspolaže Općina Breza, kao i određene naknade za uspostavljenju služnost u skladu sa ovom Odlukom, nadležna je Služba za prostorno uređenje, zaštitu okolice, geodetske i imovinsko-pravne poslove Općine Breza, koja u postupku donošenja istog pribavlja mišljenje Općinskog pravobranilaštva.

Član 5.

Naknada za uspostavljanje prava služnosti na zemljištu u vlasništvu Općine Breza i javnim dobrima kojim upravlja i raspolaže Općina Breza, utvrđuje se na godišnjem nivou.

Korisniku povlasnog dobra naknada za uspostavljanje prava služnosti, odredit će se rješenjem Službe za prostorno uređenje, zaštitu okolice, geodetske i imovinsko pravne poslove Općine Breza.

Član 6.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-933/20
Breza, 27.05.2020. godine

PREDSJEDAVAJUĆI
Općinskog vijeća
Memsud Kadrić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09) i člana 19. tačka 2. Statuta Općine Breza – Prečišćeni tekst ("Službeni glasnik Općine Breza", broj: 8/09), Općinsko vijeće Breza na sjednici održanoj dana 27.05.2020. godine, **donosi**

O D L U K U

o oslobađanju plaćanja komunalne naknade

Član 1.

Od obaveze plaćanja komunalne naknade za poslovne prostore oslobađaju se obveznici fizička/pravna lica, kojima je u skladu sa Naredbom Federalnog štaba civilne zaštite broj: 12-40-6-148-9, 10, 11, 12, 13, 14,15, i 16/20 od 17.03.2020. godine i Naredbe Općinskog štaba Civilne zaštite Breza, broj: 01/2-04-640/2020 od 18.03.2020. godine, kojima je naređena privremena obustava pružanja usluga zbog proglašenja stanja nesreće (pandemija COVID 19), za period od 01.04.2020. – 31.05.2020. godine.

Član 2.

Lica iz člana 1. ove Odluke nisu dužna podnositi zahtjev za oslobađanje plaćanja komunalne naknade.

Član 3.

Nakon stupanja na snagu ove Odluke rješenja za obveznike iz člana 1. ove Odluke donijet će se po službenoj dužnosti.

Član 4.

Ova Odluka stupa na snagu danom objavljivanja u „Službenom glasniku općine Breza“.

Broj: 01/1-02-934/20
Breza, 27.05.2020. godine

PREDSJEDAVAJUĆI:
Općinskog vijeća
Memsud Kadrić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 4. stav 2. Zakona o cestama Federacije BiH („Službene novine Federacije BiH“, broj: 12/2010, 16/2010 - ispr. i 66/2013), člana 13. stav 2. tačka 5. Zakona o principima lokalne samouprave („Službene novine Federacije BiH“, broj: 25/03, 16/04 i 67/05) i člana 19. stav 1. tačka 7. Statuta Općine Breza – Prečišćeni tekst („Službeni glasnik Općine Breza“, broj: 8/09), Općinsko vijeće Breza, na sjednici održanoj dana 27.05.2020. donosi

O D L U K U**o davanju saglasnosti na korištenje dionice lokalne ceste L016-010
(ul. Potkrajka), od R-444 do skretanja za Potkraj****Član 1.**

Ovom Odlukom daje se saglasnost za korištenje dijela dionice lokalne ceste L016-010 (ul. Potkrajka), od R-444 do skretanja za Potkraj, za obavljanje početnog dijela osposobljavanja kandidata iz upravljanja motornim vozilom.

Član 2.

Početna obuka kandidata iz upravljanja motornim vozilom obavlja se u trajanju od 4 časa. Obuka se obavlja što bliže desnoj ivici kolovoza bez narušavanja bezbjednosti odvijanja ostalog motornog i pješačkog saobraćaja.

Član 3.

Sva oštećenja javne ceste, njenih elemenata i objekata na cesti, signalizacije i okolnih objekata, nastala tokom vršenja obuke sa kandidatom, padaju na teret pravnog lica koje vrši obuku.

Član 4.

Ova Odluka stupa na snagu danom donošenja a bit će objavljena u „Službenom glasniku Općine Breza“.

Broj: 01/1-02-943/20
Breza, 27.05.2020. godine

PREDSJEDAVAJUĆI:
Općinskog vijeća
Kadrić Memsud,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. Alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i člana 19. stav 1. tačka 2. Statuta Općine Breza („Službeni glasnik Općine Breza“, broj: 8/09 – Prečišćeni tekst), Općinsko vijeće Breza, na sjednici održanoj dana, 27.05.2020. godine, d o n o s i

O D L U K U
o davanju saglasnosti za realizaciju projekta
„Izrada pješačke staze u ulici 6 april“

Član 1.

DAJE SE saglasnost za realizaciju projekta „Izrada pješačke staze u ulici 6 april“, koja se nalazi na parceli označenoj kao k.č. 958/1, KO Breza, u naravi 6 april.

Član 2.

Ovlašćuje se Općinski načelnik da zaključi Ugovor o finansiranju realizacije projekta iz člana 1. Ove odluke sa donatorom ovog projekta, uz obavezu postavljanja ploče pored staze sa podacima o donatoru.

Donator projekta Mustafa Šabić, sin Zihnije, nastanjen u ulici 6 april se obavezuje da će u cjelosti finansirati realizaciju projekta iz člana 1. Ove Odluke.

Član 3.

Troškove izrade projektne dokumentacije, izdavanja potrebnih dozvola, troškove zaključenja ugovora i stručno-tehničkog nadzora snosit će Općina Breza.

Član

4.

Ova odluka stupa na snagu osmog dana od dana objavljivanja u „Službenom glasniku općine Breza“.

Broj: 01/1-02-960/20
Breza: 27.05.2020.godine

PREDSJEDAVAJUĆI
Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-905/20
Breza, 27.05.2020.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Regulacionog plana „Poljice“, Općinsko vijeće Breza na sjednici održanoj dana 27.05.2020.godine, donosi

ZAKLJUČAK

I

UTVRĐUJE SE Nacrt Regulacionog plana „Poljice“.

Po utvrđenom Nacrtu Regulacionog plana „Poljice“ sprovesti javnu raspravu sa vijećnicima, predsjednicima mjesnih zajednica i ostalim zainteresovanim licima Mjesne zajednice Mahala.

II

Javnu raspravu sprovesti u periodu od 08.06. do 08.07.2020.godine

III

Za realizaciju zaključka zadužuje se Služba za prostorno uređenje, zaštitu okoliše, geodetske i imovinsko-pravne poslove.

IV

Zaključak objaviti u „Službenom glasniku Općine Breza“.

Dostavljeno:
1x Općinski načelnik,
1x Služba za prostorno uređenje,
1x 01/1,
1x Arhiva.

PREDSJEDAVAJUĆI:
Općinskog vijeća
Memsud Kadrić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-905-1/20
Breza, 27.05.2020.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Odluke o provođenju Regulacionog plana „Poljice“, Općinsko vijeće Breza na sjednici održanoj dana 27.05.2020.godine, donosi

ZAKLJUČAK

I

UTVRĐUJE SE Nacrt Odluke o provođenju Regulacionog plana „Poljice“.

Po utvrđenom Nacrtu Odluke o provođenju Regulacionog plana „Poljice“ sprovesti javnu raspravu sa vijećnicima, predsjednicima mjesnih zajednica i ostalim zainteresovanim licima Mjesne zajednice Mahala.

II

Javnu raspravu sprovesti u periodu od 08.06. do 08.07.2020.godine

III

Za realizaciju zaključka zadužuje se Služba za prostorno uređenje, zaštitu okolice, geodetske i imovinsko-pravne poslove.

IV

Zaključak objaviti u „Službenom glasniku Općine Breza.

Dostavljeno:

1x Općinski načelnik,
1x Služba za prostorno uređenje,
1x 01/1,
1x Arhiva.

PREDSJEDAVAJUĆI:

Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-941/20
Breza, 27.05.2020.godine

Na osnovu člana 115. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Izvještaja o izvršenju Budžeta Općine Breza za period 01.01.2019. – 31.12.2019.godine, Općinsko vijeće Breza na sjednici održanoj dana 27.05.2020.godine,donosi

ZAKLJUČAK**I**

USVAJA SE Izvještaj o izvršenju Budžeta Općine Breza za period 01.01.2019. – 31.12.2019.godine.

II

Zaključak objaviti u „Službenom glasniku Općine Breza.

Dostavljeno:

1x Općinski načelnik,
1x Služba za finan.insp.posl.i opću upravu,
1x 01/1,
1x Arhiva.

PREDSJEDAVAJUĆI:

Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-869/20
Breza, 27.05.2020.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Informacije o socijalno-ekonomskom stanju boračke populacije na području Općine Breza tokom 2020.godine, Općinsko vijeće Breza na sjednici održanoj dana 27.05.2020.godine,donosi

ZAKLJUČAK

I

USVAJA SE Informacija o socijalno-ekonomskom stanju boračke populacije na području Općine Breza tokom 2020. godine.

II

Zaključak objaviti u „Službenom glasniku Općine Breza“.

Dostavljeno:
1x Služba za finan.insp.posl. i opću upravu,
1x 01/1,
1x Arhiva.

PREDSJEDAVAJUĆI:
Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-947/20
Breza, 27.05.2020.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Programa ublažavanja posljedica uzrokovanih pandemijom COVID-19 privrednim subjektima na području Općine Breza, Općinsko vijeće Breza na sjednici održanoj dana 27.05.2020.godine,donosi

ZAKLJUČAK

I

DAJE SE SAGLASNOST na Program ublažavanja posljedica uzrokovanih pandemijom COVID-19 privrednim subjektima na području Općine Breza.

II

Za realizaciju zaključka zadužuje se Služba za privredu i Služba za finansije, inspeksijske poslove i opću upravu.

III

Sastavni dio ovog Zaključka je Program ublažavanja posljedice uzrokovanih pandemijom COVID-19 privrednim subjektima na području Općine Breza broj: 01/2-04-946/20 od 20.05.2020.godine.

IV

Zaključak objaviti u „Službenom glasniku Općine Breza.

Dostavljeno:

1x Općinski načelnik,
1x Služba za privredu,
1x Služba za finan.insp.posl.i opću upravu,
1x 01/1,
1x Arhiva.

PREDSJEDAVAJUĆI:

Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-953/20
Breza, 27.05.2020.godine

Na osnovu člana 115. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Programa utroška sredstava sa kriterijima raspodjele sredstava „podsticaj poljoprivrednoj proizvodnji“ u cilju ublažavanja posljedica pojave COVID-19 virusa utvrđenih Budžetom Općine Breza za 2020. godinu, Općinsko vijeće Breza na sjednici održanoj dana 27.05.2020.godine,donosi

ZAKLJUČAK**I**

DAJE SE SAGLASNOST na Program utroška sredstava sa kriterijima raspodjele sredstava „Podsticaj poljoprivrednoj proizvodnji“ u cilju ublažavanja posljedica pojave COVID-19 virusa utvrđenih Budžetom Općine Breza za 2020. godinu, konto 614400, broj: 01/2-20-937/20 od 11.05.2020.godine.

II

Za realizaciju zaključka zadužuje se Služba za privredu i Služba za finansije, inspeksijske poslove i opću upravu.

IV

Zaključak objaviti u „Službenom glasniku Općine Breza.

Dostavljeno:

1x Služba za privredu,
1x Služba za finan.insp.posl.i opću upravu,
1x 01/1,
1x Arhiva.

PREDSJEDAVAJUĆI:

Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-904-2/20
Breza, 27.05.2020.godine

Na osnovu člana 16. Zakona o porezu na imovinu, naslijeđe i poklone („Službene novine Zeničko-dobojskog kantona“, broj 9/09), i člana 10. tačka 2. Zakona o porezu na promet nekretnina („Službene novine Zeničko-dobojskog kantona“, broj 6/09) i člana 19. tačka 18. Statuta Općine Breza („Službeni glasnik Općine Breza“, broj 8/09) Općinsko vijeće Breza na sjednici održanoj 27.05.2020. godine, d o n o s i

R J E Š E N J E

o imenovanju predsjednika i članova Stručne komisije za procjenjivanje tržišne vrijednosti poreza na imovinu, naslijeđe i poklone i utvrđivanje prometne vrijednosti nepokretnosti

I

Za predsjednika i članove Stručne komisije za procjenjivanje tržišne vrijednosti poreza na imovinu, naslijeđe i poklone, i utvrđivanje prometne vrijednosti nepokretnosti imenuju se:

1. Salih Hasanspahić, predsjednik,
2. Ejub Salkić, član, član,
3. Nezaheta Čengić, član.

II

Zadatak Komisije iz člana I ovog Rješenja je da procjenjuje tržišnu vrijednost poreza na imovinu, naslijeđe i poklone na području Općine Breza u skladu sa Zakonom o porezu na imovinu, naslijeđe i poklone („Službene novine Zeničko-dobojskog kantona“, broj 9/09) i da procjenjuje prometnu vrijednost nepokretnosti na području Općine Breza u skladu sa Zakonom o porezu na promet nekretnina („Službene novine Zeničko-dobojskog kantona“, broj 6/09).

III

Imenovanje se vrši na period od 2 (dvije) godine.

IV

Predsjedniku i članovima komisije pripada novčana naknada za rad u visinu koju utvrđuje Općinsko vijeće.

V

Stupanjem na snagu ovog rješenja prestaje da važi rješenje broj:01/1-02-616/16 od 04.04.2016 god („Sl. glasnik Općine Breza broj:03/16“)


VI

Ovo rješenje stupa na snagu danom donošenja i objavit će se u „Službenom glasniku Općine Breza“.

DOSTAVLJENO:
3x Članovima komisije,
1x Porezna uprava Ispostava Breza,
1x 01/1,
1x a/a.

PREDSJEDAVAJUĆI
Općinskog vijeća
Memsud Kadrić

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA



Broj: 11-37-18289-5/18
Zenica, 04.05.2020.godine

Na osnovu člana 214. Zakona o upravnom postupku („Službene novine FBiH“, broj: 2/98 i 48/99) i člana 2. stav 1. Pravilnika o načinu pregleda umrlih, te utvrđivanja vremena i uzroka smrti („Službene novine FBiH“, broj: 79/13 i 9/14), na zahtjev JU „Dom zdravlja“ Breza, Ministarstvo zdravstva Zeničko-dobojskog kantona, d o n o s i

R j e š e n j e o izmjeni rješenja o imenovanju mrtvozornika

I

U tački I tačka dispozitiva rješenja Ministarstva zdravstva broj: 11-37-18289-1/18 od 22.01.2019. godine, pod redni broj 2. riječi: „dr Mirza Ahmedspahić“, zamjenjuju se riječima: „dr Šabanović Admir“.

II

Ovo rješenje čini sastavni dio rješenja Ministarstva zdravstva broj: 11-37-18289-1/18 od 22.01.2019. godine.

III

Ovo rješenje stupa na snagu danom donošenja i objavit će se u „Službenom glasniku Općine Breza“.

O b r a z l o ž e n j e

Rješenjem Ministarstva zdravstva broj: 11-37-18289-1/18 od 22.01.2019. godine, imenovani su mrtvozornici, odnosno ovlašteni doktori medicine za obavljanje pregleda umrlih, te utvrđivanje uzroka smrti osoba umrlih izvan zdravstvene ustanove, na području Općine Breza.

Dana 08.01.2020. godine dr Mirza Ahmetspahić obratio se zahtjevom ovom Ministarstvu u kojem je naveo da je prestao sa radom u JU „Dom zdravlja“ Breza, te da iz tog razloga traži razrješenje dužnosti mrtvozornika. Navedeni zahtjev je dana 19.03.2020. godine i 17.04.2020. godine, dostavljen na izjašnjenje JU „Dom zdravlja“ Breza.

JU „Dom zdravlja“ Breza, dopisom od 29.04.2020. godine obavijestila je ovo Ministarstvo da je saglasna sa razrješenjem dr Mirze Ahmetspahića sa dužnosti mrtvozornika, a dopisom od 04.05.2020. godine predložen je dr Šabanović Admir za mrtvozornika JU „Doma zdravlja“ Breza.

Imajući u vidu navedeno odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja može se izjaviti žalba Federalnom ministarstvu zdravstva u roku od 15 dana od dana prijema rješenja. Žalba se podnosi u dva primjerka, putem Ministarstva zdravstva Zeničko-dobojskog kantona, usmeno na zapisnik ili pismeno.

Dostavljeno:

- 1x JU "Dom zdravlja" Breza,
- 2x Imenovanim (putem JU "Dom zdravlja" Breza),
- 1x Općina Breza,
- 1x Policijska uprava Breza,
- 1x Sanitarna inspekcija Općine Breza,
- 1x "Službeni glasnik Općine Breza",
- 1x a/a



Ministar
dr. Adnan Jupić

Bosna i Hercegovina
 Federacija Bosne i Hercegovine
 Zeničko-Dobojski Kanton
OPĆINA BREZA
 Općinski načelnik



Bosnia and Herzegovina
 Federation of Bosnia and Herzegovina
 Zenica-Doboj Canton
MUNICIPALITY OF BREZA
 Municipality major

Broj:01/2-11-478/20
 Datum:07.05.2020 godine

Na osnovu člana 59. Zakona o budžetima - proračunima u Federaciji BiH ("Sl.novine FBiH" broj: 102/13,9/14,13/14,8/15,9/15,102/15,104/16,5/18 i 11/19), člana 37.Statuta Općine Breza (Sl. Glasnik općine Breza broj 8/09-Prečišćeni tekst) i člana 12. Odluke o izvršavanju Budžeta općine Breza za 2020 godinu (Službeni glasnik općine Breza br. 11/19) Općinski načelnik donosi:

ODLUKA O PRERASPODJELI SREDSTAVA PLANIRANIH NA BUDŽETSKIM STAVKAMA ZA 2020 GODINU

Član 1.

Ovom Odlukom uređuje se obim i struktura sredstava koja su predmet preraspodjele.

Član 2.

Preraspodjela se vrši u okviru sredstava planiranih na poziciji 821200, analitika 821222 – Putevi i mostovi, tako da se iznos od 481.872,90 KM umanjuje za 3.697,16 KM i iznosi 478.175,74 KM a povećava se analitika stav 821213 – Ostale građevine za 3.697,16 KM, tako da iznosi 148.697,16 KM.

Član 3.

Preraspodjela planiranih sredstava iz člana 2. je neophodna za finansiranje Završnu fazu izrade Centralnog spomen obilježja Breza, a po zahtjevu Službe za privredu broj 02/1-2-11-489/-8/20 od 27.03.2020 godine.

Član 4.

Preraspoređene pozicije postaju sastavni dio Budžeta općine Breza za 2020 godinu.

Član 5.

Ova Odluka stupa na snagu danom donošenja, a primjenjuje se na Budžet za 2020 godinu.

Član 6.

Odluku objaviti u Službenom glasniku općine Breza.



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinski načelnik

Na osnovu člana 15. stav 1. alineja 3. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj: 49/06 i 51/09), člana 37. stav 1. tačka 8. i člana 116. Statuta Općine Breza (“Službeni glasnik Općine Breza” broj 8/09-Prečišćeni tekst), a u vezi sa Odlukom o izmjenama I dopunama Budžeta Općine Breza za 2020. godinu (“Službeni glasnik Općine Breza” broj 8/09- Prečišćeni tekst), Općinski načelnik Općine Breza dana 20.05.2020. godine, d o n o s i

P R O G R A M
UBLAŽAVANJA POSLJEDICA UZROKOVANIH PANDEMIJOM KORONA VIRUSA (COVID-19)
PRIVREDNIM SUBJEKTIMA NA PODRUČJU OPĆINE BREZA

POGLAVLJE I - OPĆE ODREDBE

Član 1.
(Predmet)

(1) Ovim Programom utvrđuju se kriteriji, način i postupak raspodjele sredstava iz Budžeta Općine Breza u svrhu ublažavanja posljedica uzrokovanih pandemijom korona virusa (Covid-19) privrednim subjektima na području Općine Breza koji imaju do 10 zaposlenih lica.

(2) Za ove mjere će se koristiti dio sredstava Budžeta Općine Breza za 2020. godinu sa budžetske pozicije 614500, „Subvencija za razvoj poduzetništva I obrta”.

Član 2.
(Korisnici subvencija)

(1) Pod korisnicima subvencija u smislu ovog Programa se smatraju privredni subjekti kojima je naredbama Federalnog štaba civilne zaštite i Kantonalnog štaba civilne zaštite ZDK-a zabranjen ili obustavljen rad zbog proglašenja stanja nesreće uzrokovane pandemijom korona virusa (Covid-19) odnosno proglašenja stanja prirodne nepogode, a koja imaju sjedište na području Općine Breza.

(2) Pravo na korištenje poticajnih mjera imaju privredni subjekti koji nisu:

- a.) raskinuli ugovor o radu sa uposlenicima u periodu od 29.02.2020.godine do 31.03.2020.godine.(raskidom ugovora se ne smatra ako je uposleniku istrekao ugovor o radu zbog isteka vremena na koji je zaključen, ako je uposlenik podnio zahtjev za raskid ugovora, te ako su se ispunili uslovi za penziju);
- b.) imaju izmirene obaveze po osnovu poreza i doprinosa za uposlenike zaključeno sa 31.01.2020.godine;
- c.) imaju do 10 zaposlenih i djelatnost obavljaju na području Općine Breza i koja su registrovana i imaju sjedište na području Općine Breza.

Član 3.
(Subvencije)

(1) U skladu sa Odlukom o izmjenama i dopunama Budžeta Općine Breza za 2020.godinu, konkretno pozicijom 614500 “Subvencija za razvoj poduzetništva i obrta” privredni subjekti iz člana 2. ovog Programa, mogu ostvariti slijedeće subvencije:

- a.) subvencioniranje dijela obaveznih doprinosa na minimalnu platu za mjesec mart 2020.godine i to 50% obaveznih poreza i doprinosa na minimalnu platu za svakog uposlenog,
- b.) oslobođenje obaveze plaćanja komunalnih naknada za mjesec april i maj 2020. godine,

- c.) oslobađanje obaveze plaćanja naknade za zauzimanje dijela javne površine u visini od 50 % naknade za cijeli period korištenja za sezonu 2020. Godine,
- d.) obezbjeđenje sredstava za refundaciju doprinosa na minimalnu platu privrednim subjektima iz člana 2. Ovog Programa za prvi mjesec nakon zaposlenja radnika kojima je prestao radni odnos zbog posljedica pandemije korona virusom (Covid-19).

Član 4. (Postupak ostvarivanja prava)

(1) Služba za privredu će na osnovu ovog Programa objaviti Javni poziv za subvencioniranje mjera iz člana 1. ovog Programa, koji će se objaviti na web stranici i oglasnoj ploči Općine Breza.

(2) Privredni subjekti iz člana 2. ovog Programa, mogu podnijeti Službi za privredu zahtjev za subvencioniranje jedne ili svih mjera koje su navedene u članu 3. ovog Programa, u roku od 15 dana od dana objavljivanja Javnog poziva.

(3) Uz zahtjev su dužni dostaviti slijedeću dokumentaciju:

a) Sudsko rješenje o registraciji preduzeća (za pravna lica ili poslovne jedinice) ili rješenje o registraciji od nadležnog organa (za fizička lica - poduzetnike),

b) Uvjerenje o poreznoj registraciji privrednog subjekta (ID broj),

c) Obavijest o razvrstavanju privrednog subjekta prema djelatnosti,

d) Izjava privrednog subjekta o broju zaposlenih na dan obustave rada i broju zaposlenih na dan 31.03.2020. godine i specifikacija uz uplatu doprinosa poduzetnika (kopija obrasca 2001 ili kopija obrasca 2002 za januar 2020. godine ovjerenog u Poreznoj upravi - prijemni pečat ili DLN broj),

e) Ugovor o radu zaključen između privrednog subjekta i uposlenika kojem je bio prestao radni odnos zbog posljedica nastalih korona virusom (Covid-19) te dokaz o uplati doprinosa i poreza (za mjeru d. definisanu članom 3. ovog Programa),

f) Dokaz o otvorenom bankovnom računu poslovnog subjekta (kopija ugovora ili drugog dokumnta iz kojeg se vidi broj transakcijskog računa).

(4) Dokumenti iz prethodnog stava ovog člana se dostavljaju u ovjerenj kopiji, koje će prilikom ovjeravanja biti oslobođene od plaćanja Općinske administrativne takse.

(5) Zahtjev za subvencioniranje se može dostaviti neposredno na protokolu Jedinственog organa uprave Općine Breza ili putem pošte u zatvorenoj koverti.

Član 5. (Obrada zahtjeva i dodjela sredstava)

(1) Služba za privredu će obraditi prispele zahtjeve u pogledu ispunjavanja uvjeta, nakon čega će se sačiniti prijedlog Odluke o usvajanju liste korisnika sredstava koji će se subvencionirati i liste podnosioca zahtjeva čije su zahtjevi za subvencioniranje neblagovremeni, nepotpuni ili neosnovani, koja će se dostaviti načelniku na usvajanje.

(2) Odluka o usvajanju liste korisnika sredstava koji će se subvencionirati i lista podnosioca zahtjeva čije su zahtjevi za subvencioniranje neblagovremeni, nepotpuni ili neosnovani, objaviti će se na web stranici Općine Breza (www.breza.gov.ba) i oglasnoj ploči,

(3) Na objavljenu Odluku iz stava 2. ovog člana, svi podnosioci zahtjeva imaju pravo žalbe u roku od

8 dana od dana objavljivanja Odluke na web stranici i oglasnoj tabli Općine Breza.

(4) Žalba se podnosi Drugostepenoj upravnoj komisiji Općine Breza, a predaje se neposredno na protokolu Jedinственog organa uprave Općine Breza ili putem pošte. Žalba se taksira u iznosu od 10,00 KM, u skladu sa Odlukom o općinskim administrativnim taksama ("Službeni glasnik Općine Breza" broj: 14/14- Prečišćeni tekst, 6/18).

(5) Nakon isteka roka za žalbu, odnosno nakon rješavanja po eventualno uloženi žalbama, Općinski načelnik na prijedlog Službe za privredu donosi Odluku o usvajanju Konačne liste korisnika sredstava za subvencioniranje koja će se nakon toga objaviti na web stranici, oglasnoj ploči i u Službenom glasniku Općine Breza.

POGLAVLJE VI - ZAVRŠNE ODREDBE

Član 6. (Realizacija i nadzor)

(1) Za realizaciju i nadzor nad primjenom ovog Programa zadužuje se Služba za privredu I Služba za finansije, inspeksijske poslove i opću upravu,

Član 7. (Stupanje na snagu)

(1) Ovaj Program stupa na snagu danom donošenja i objaviti će se u Službenom glasniku Općine Breza.

Broj: 01/2-04-946/20
Breza, 20.05.2020.godine

Općinski načelnik
mr.sci. Munib A. Zaimović,s.r.

S A D R Ź A J

- 291. Odluka o visini naknade za uspostavljanje prava služnosti na zemljištu u vlasništvu Općine Breza i javnim dobrima kojim upravlja i raspolaže Općina Breza.
- 293. Odluka o oslobađanju plaćanja komunalne naknade.
- 293. Odluka o davanju saglasnosti na korištenje dionice lokalne ceste L016-010 (ul. Potkrajka), od R-444 do skretanja za Potkraj.
- 294. Odluka o davanju saglasnosti na realizaciju projekta „Izrada pješačke staze u ulici 6 april“.
- 295. Zaključak o utvrđivanju Nacrta Regulacionog plana „Poljice“.
- 295. Zaključak o utvrđivanju Nacrta Odluke o provođenju Regulacionog plana „Poljice“.
- 296. Zaključak o usvajanju Izvještaja o izvršenju Budžeta Općine Breza za period 01.01.2019. – 31.12.2019.godine.
- 297. Zaključak o usvajanju Informacije o socijalno-ekonomskom stanju boračke populacije na području Općine Breza tokom 2020.godine.
- 297. Zaključak o davanju saglasnosti na Program ublažavanja posljedica uzrokovanih pandemijom COVID-19 privrednim subjektima na području Općine Breza.
- 298. Zaključak o davanju saglasnosti na Program utroška sredstava sa kriterijima raspodjele sredstava „Podsticaj poljoprivrednoj proizvodnji“ u cilju ublažavanja posljedica pojave COVID-19 virusa utvrđenih Budžetom Općine Breza za 2020.godinu.
- 299. Rješenje o imenovanju predsjednika i članova Stručne komisije za procjenjivanje tržišne vrijednosti poreza na imovinu, naslijeđe i poklone i utvrđivanje prometne vrijednosti nepokretnosti.

Akti Ministarstva zdravstva Zeničko-dobojskog kantona

- 300. Rješenje o izmjeni rješenja o imenovanju mrtvozornika.

Akti Općinskog načelnika

- 302. Odluka o preraspodjeli sredstava planiranih na budžetskim stavkama za 2020.godinu.
- 303. Program ublažavanja posljedice uzrokovanih pandemijom COVID-19 privrednim subjektima na području Općine Breza broj: 01/2-04-946/20 od 20.05.2020.godine.



Izdavač: Općina Breza, Stručna Služba Općinskog vijeća, Ulica Bogumilska br.1. telefon: 786-029, fax: 786-031.